

■ MUSTÉR

Mustina – aschia senumna la vacca da plesch dall'UCP

(anr/cp) L'Uniun da commerci e professiun Mustér ha lantschau uonn pliras accziuns, denter auter ha ella schaffiu ina vacca da plesch sco souvenir. All'EX18 han visitadras e visitaders giu la pusseivladad d'eleger il num da quella. Persuenter eran differentas propostas fatgas. Las pli biaras vuschs ha il num Mustina obtenui. Quella proposta ei vegnida dalla scoletta cun sia mussadra Regina Giger. Persuenter obtegn la scoletta in premi ella valeta da 100 francs. Aschia senumna la vacca da plesch blau-alva naven dad immediat Mustina.

La suprastanza dall'UCP Mustér engrazia grondamein agl entir comite d'organisaziun dall'EX18 per la buna lavur prestada e per la bein reussida exposiziun. Igl ei stau in'EX che ha pretendiu en qual engaschi nunspitgau muort l'aura. In grond engraziament admetta la suprastanza era als expositurs per lur bials stans e lur grond engaschi.

Sils fastitgs dalla historia da Romania e Renania

■ (mc) Mardis-sera allas 19.30 evidan la vischnaunca da Illanz/Glion e la Surselva Romontscha ad ina serada d'informaziun e discussiun davart la historia dallas anteriuras uniuns culturalas dalla Surselva e Sutselva. Igl onn 2006 ein las duas uniuns vegnidas fusiunadas ella Surselva Romontscha. Malgrad scops ed interess comunabels han la Romania (fundada 1896) e la Renania (fundada 1921) historias differentas. Fertion che la Romania representava la Surselva da messa (catolica), representava la Renania la Surselva da priedi (reformada) e la Val Schons. Dapi 2006 fan las Romontschas ed ils Romontschs dalla Val Schons part dalla nova Uniun Grischun central che consista dalla Val Schons e da Surmeir. Ils dus historichers sursilvans *Cristian Collenberg* e *Manfred Veraguth* ein semess sils fastitgs dallas duas petgas romontschas dil tschentaner vargau. El vegnan denter auter a dilucidar las suandontas damondas: Co eis ei vegniu alla fundaziun dalla Romania resp. dalla Renania? Tgein ei staus lur intent? Tgi ei s'engaschaus per quellas? Ein ellas semidadas el decuors dils onns e decennis ed ein ellas insumma stadadas d'impurtonza?

Il plaid da beinvegni fa *Carmelia Maissen*, la presidenta communal da Illanz/Glion.

reclama

Südostschweiz Informiert

Topaktuell aus Ihrer Region!

Das Nachrichtenmagazin von Montag bis Freitag ab 18 Uhr auf TV Südostschweiz.

südostschweiz

Semplamein classa, ils Acabellos

Sunter quater onns puspei in concert

DA PAUL DUFF / ANR

■ Quater onns han ils adherents dils Acabellos stuiu spitgar sin ina reprisa da concert. Uss ei il temps d'abstinenza ius a fin, ils cantadurs e cume-diants ein puspei sin tribuna. Igl emprem schatg da lur program niev han els presentau la mesjamna sera ella Sala da cultura a Trun. Variaziun en tuttas fassetas ei stau il fil atras il program. Melodias variantas cun canzuns novas mo era culs hits enconuschents ein stai d'udir cun texts romontschs e ritmus melodics en gronda alternaziun. Mintga cantadur ei in solist ni in choris. Ei para in ver scumbegl'organisaus da presentaziuns canticas. Savur da cungi-da ha la tschavera melodiusa retschiert dils commentaris da *Geni Monn* che ha, sper cantar, delectau il publicum cun sgnoccas e legras anecdotes. Mintgaton ha era *Andri Hendry* gidau il Geni sin la pointa. Vitier ils commentaris humoristics ein ils Acabellos sepresentai en cuortas sequenzas da film e procurau lien per risadas. Quei cunfar hilaric ei raschun avunda dad ir al concert. Lur fans attestan ei cun sepresentar en retschas serradas. Ils cantadurs ein sez stai surstai da lur popularitad. Han els tuttina stuiu fultschir in concert supplementar el calender d'occurenzas. Quel ha liug venderdis sera allas 20.00 sco las ulteriuras produziuns en Sala da cultura a Trun.

Cant solistic, cant polifon ed in beat pulsant

La marca dils Acabellos ei singulara. Tier cant e beat vegn la coreografia la quala sutlingiescha il cuntegn ni punctuescha in'exclamaziun sil spitg. En quels graus ein ils cantadurs semussai lingiers e talentai cunzun sch'ei va da dar peisa sin la sort e buordi dad esser umens. Quei tradescha schon l'affischa «nus umens havein buca sempel!»! Seca-



Ils Acabellos ein da return sin tribuna. Els presentan bialas melodias e delecteschan il publicum cun cant, beat, smanis e gestas.

FOTO P. DUFF

pescha tut ironic e senza desavuar las caras consortas ed amitgas. In sincer cant d'engraziament al lur familias ha terminau l'em-prema part dil concert.

Ei ha fatg l'impressiun ch'ils Acabellos segien vegni pli serius ni tschentai, umens che dattan peisa sin qualitat. L'emprema part ha imprimiu quei marletg dad els. Mo sunter pausa – els han segir survegniu in Red Bull en quei temps – han els dau tut. Els ein stai sco

antruras, movibels ellas gestas, eccelando e presto ellas melodias e precis el tact. Quei ha intimau il publicum da sblatschar el ritmus, in segn ch'il spitachel va a cor. Variaziun, gie variété ha il cabaret dils protagonistes purschiu al publicum. Ed ussa eis ei uras da presentar els, *Andri Hendry*, *Damian Deflorin*, *René Cavegn*, *Giochen Monn*, *Roman Venzin*, *Daniel Maissen* ed *Eugen Monn*. Lur sound melodius atesta als

cantadurs ina gronda musicalitad. La presentaziun dils Acabellos ei en scadin cass in gaudi. Nus enconuschin els personalmeins e quei fa cheutras il plascher aunc pli gronds. Ella entira scena da cant e cultura anflan ils Acabellos in plaz bein tschentaus sco cant e cumedia. In grond publicum ha dau ad els curascha da cuntinuar. Nus sperein quei detti anim e selegrein sin produziuns vegnentas, nua che quei vegn adina ad esser.

In ulteriur casting il fevrer

16 giuvenils ein separticipai agl emprem casting pil Musical Surselva

■ (anr/gv) Ad in emprem casting pil musical «En 80 dis entuorn il mund», ha il reschissur **Roland Körner beneventau 14 giuvenils ella sala dalla scola da Vella. En treis gruppas han quels giu la caschun da mussar el decuors d'in'ura lur habilitads el cantar ed el giugar.** Il pedagog da teater ha schau cantar en gruppa e singul, ha schau ir in sunter l'auter sin tribuna per examinar co els semovan. Era sco singul sin tribuna, ha il reschissur mai schau ils giuvenils persuls. *Fabiola Spescha*, ina dallas participontas al musical: «Cun siu sustegn sun jeu buca sesentida persula. El ha fatg curascha. Sche jeu sai separticipar al musical, hai jeu en scadin cass la caschun d'emprender bia ton da giugar sco da cantar.»

Claudio Bezzola ha accumpignau ils participonts al casting al clavazin. Dapi 15 onns ei igl um da 44 onns coach da cant ella Svizra orientala. El ver senn dil plaid «coach» ha el accumpignau ils giuvenils. Gia sunter paucas minutas han quels cantau ensem las canzuns dil musical «Lady Marmelade» e «Proud Mary». *Roland Körner*: «Quei ei ina excellenta entschatta. Ils giuvenils ein oz nervus, enconuschin buca il text dallas canzuns e tuttina dattan els tut.» Sco el ha sincerau, han tut ils participonts digl emprem casting tuts bunas premissas da separticipar al musical. Alla fin decida la giuria cun *Körner*, *Bezzola*, il musicist *Christoph Senn* e la commembera dil comite d'organisaziun *Petronella Cavegn* tgi che separticipescha allas emprovas.

Secund casting il fevrer

Daniel Blumenthal, il president dil Musical Surselva, ha assistiu agl ur il casting. Ina ga dapli ha el seschau entusiasmar dalla habilitads ed dil slontsch da *Roland Körner* e da *Claudio Bezzola*. «Igl ei bi da

veser co els ein habels d'accumpignar ils giuvenils.» Per contonscher il diember sufficient da participonts al musical «En 80 dis entuorn il mund» previus igl atun 2019, organischescha Musical Surselva il fevrer proxim in ulteriur casting. Blu-

menthal conceda: «Nus havein forsa dau memia pauc temps per seconstituir. Las emprovas ein la primavera proxima ed aschia tonschi aunc da far in secund casting. Nus duvrein aunc entuorn diesch participonts.»



In emprem casting pil musical «En 80 dis entuorn il mund» ha giu liug la dumengia a Vella. In ulteriur succeda el decuors dil fevrer 2019.

FOTO G. VENZIN